

протопопы, попы и диякони — не священницы суть, но священъницы лицемерствуются быти, и играют, якоже на игрищи. Паче же ниже лицемерство блюсти могут не бо от истинны точию, но и от лицемерства самого извержени быша, понеже священная измениша, и простыя одежды, клабуки и мантии, а белыя попы однорятки и скуфии, и въместо шапки патриарх кидарь жидовский на себя въздел, без опушки горшок. И аще, Никон, любиши сия, подобает ти рукополагатися по чину Аронову, а не || л. 119 по чину Мелхиседекову, еже есть наша со Христом.

Блудня, блудня, и в жидах и в вас, отъята бысть от иудей. Несть бо священъства, несть жертвы, ни приношения, ни кадила, ни места, еже пожрети богу живу и истинну.

Вспомяни убо, о иудею, како Аарон бысть священник, тогда колико жертв о нем пожре Моисей, колика принесе священствования, како ему помаза лишее уха и руку десную, и ногу. И потом во святая святых въведе. Потом же повеле уреченных семь дней числом вънутрь пребывати, паче же и самех достойно есть слышати речей. Сие рече помазание Аароново и помазание сынов его. И возва господь, к Моисею глаголя: «Поими Аарона и сыны его и одежи. И елей помазания, и телец, иже о гресе, и овен, и собор созови к дверем сени свидения». || И рече Моисей л. 119 об. ко всему сонму сий глагол, иже заповеда господь, и понеже приведе их, подобает бо сократи, умы тех водою, одея одежею, опояса поясом, облече епендитом, возложи ипомиду, препояса его и стягну, возложи логион и на логион явление, и истину и митру на главу его, и петало златое.

Никон с товарищи, смотрите-тко, каков Аарон-от наряден! А и ты митру такову же носил, я веть видел сам на тебе, жидовской патриарх!

Видиши ли, како в ветхом священницы рукоположение приемляху, ныне же игры, яже во иудеях вся. И студ, и корчемства, и смех, и тмами исполнь законопреступления. Сим ли убо последуеши, рцы ми, иже сопротивная божим законом вся и творити и глаголати любопрящимся.

Еще ли, Никон с товарищи, любите иудейская и на главах || своих л. 120 митры носите? Престаньте от бесования и возложите на себя отеческую шапочку со опушкою.⁴

Како ты, христианин ся зовый, иудейская мудръствуеши, митру на главе нося, и образ креста почитаешь паче истинны? Не боиши ли ся, да не огонь снидет с небеси на главу твою и поपालит тя, и не глаголю иудейская, но бесовская и противная...¹⁹

... Не льститеся, никонияня, бог поругаем не бывает, невозможно богу л. 126 солгати. Еже что рече дух святой — тако будет. Еже рекоша пророча уста — и совершатся писанная на вас злая, понеже закон преступиша и изрушиша заповеди вечныя. Ну, никонияне, враги душам своим, аще ветхая с римляны любите, еже есть четвероконечный крест, а Христов трисоставный отмещете, еще же и опресноки в Риме || жидовския, и вы л. 126 об. любите, и прочая обычая и поступки закона Моисеова, органы и пение партесное, Христос вас ничтоже ползует, упразднитеся от Христа, от благодати отпадосте...

... Горки мне сия речи, что никонияне, враги божия, безчестят света л. 128 нашу пресвятую богородицу! Как бы мне мощно, задавил бы ево, врага,

¹⁻⁰ Текст написан киноварью.

¹⁹ Далее идет текст из послания Аввакума „сибирской братии“ о жертве никонианской (ср.: РИБ, т. 39, стлб. 869—870), из беседы девятой о просфирах (ср.: там же, стлб. 368—371), свидетельства по этому вопросу из сочинений Иоанна Дамаскина, Василия Великого, из Большого потребника, киевских службеников, Большого устава, из сочинений священника Лазаря (ср.: Материалы для истории раскола... , т. IV, стр. 242, 246, 229—232).